

S A M Þ Y K K T**um hundahald í Eskifjarðarhreppi.****1. gr.**

Hundahald er bannað í lögsagnarumdæmi Eskifjarðarhrepps, Suður-Múlasýslu.

2. gr.

Þó er búandi fjárbændum á jörðum innan Bleiksár heimilt að hafa hunda, eftir þörfum.

Samþykkt þessi staðfestist hér með til að taka gildi þegar í stað.

Heilbrigðis- og tryggingamálaráðuneytið, 11. maí 1973.

Magnús Kjartansson.

Jón Ingimarsson.

14. maí 1973.

Nr. 161.

R E G L U G E R Ð**um breyting á reglugerð nr. 150 21. júní 1972, um orlof.****1. gr.**

1. grein orðist svo:

Orlofsgreiðslur fara fram með tvennum hætti. Annars vegar fá fastir starfsmenn orlofslaun, þ. e. þeir fá greidd venjuleg laun meðan þeir eru í orlofi. Aðrir launþegar fá hins vegar greitt orlofsfé, sem nemur a. m. k. $8\frac{1}{3}\%$ af launum þeirra í samræmi við ákvæði þessarar reglugerðar. Þetta ákvæði rýrir þó ekki viðtækari eða hagkvæmari orlofsrétt samkvæmt öðrum lögum, samningum eða venju.

Fastur starfsmaður telst hver sá samkvæmt reglugerð þessari, sem á rétt á eins mánaðar uppsagnarfresti. Sá, sem stundar árstíðabundna vinnu, telst þó ekki vera fastur starfsmaður, þó hann eigi rétt á mánaðar uppsagnarfresti.

2. gr.

2. grein orðist svo:

Í hvert skipti sem laun eru greidd, skal launagreiðandi afhenda launþega launaseðil, er sýni fjárhæð launa og orlofsfjár. Ráðuneytið lætur gera eyðublað fyrir launaseðil til þæginda fyrir aðila.

Innan mánaðar frá útborgun vinnulauna skulu launagreiðendur greiða gjaldfallið orlofsfé sbr. 1. mgr. þessarar greinar, til næstu póststöðvar, samkvæmt nánari fyrirmælum póst- og símamálastjórnar. Orlofsfé fyrir liðinn mánuð skal þó ætíð greitt fyrir 10. næsta mánaðar. Orlof sjómanna á fiskiskipum má þó inna af hendi þrisvar á ári, þar sem ákvæði eru í kjarasamningum um kauptryggingu og kauptryggingatímabil, eftir 15. maí, 15. september og í árslok. Greiðslunni skal fylgja skilagrein á þar til gerðu eyðublaði, sem ráðuneytið lætur gera í samráði við póst- og símamálastjórnina, eða á öðru því eyðublaði, sem samþykkt er af henni.

Eyðublöð, sem um ræðir í grein þessari, fá launagreiðendur afhent á póststöðvum.

Reglugerð þessi staðfestist hér með samkvæmt lögum nr. 87 24. desember 1971 til þess að öðlast þegar gildi og birtist til eftirbreytni öllum þeim, sem hlut eiga að máli.

Félagsmálaráðuneytið, 14. maí 1973.

Hannibal Valdimarsson.

Hjálmar Vilhjálmsson.

REGLUGERÐ

um breytingu á reglugerð nr. 245 31. desember 1963,
um tekjuskatt og eignarskatt.

1. gr.

104. gr. reglugerðarinnar orðist svo:

Á sama hátt og með sömu viðurlögum og í 103. gr. segir, getur innheimtumaður krafizt greiðslu skatta af kaupum hjá kaupgreiðanda í öðru innheimtumdæmi, svo og skýrslna, sbr. 7. og 8. tl. 103. gr., um starfsmenn, sem skatta ber að greiða í innheimtumdæminu. Skal það gert með bréfi til viðkomandi kaupgreiðanda. Í Reykjavík og Reykjanesumdæmi nægir þó almenn auglýsing innheimtumans gagnvart öllum kaupgreiðendum í Reykjavík og Reykjanesumdæmi.

2. gr.

Reglugerð þessi öðlast þegar gildi.

Fjármálaráðuneytið, 16. maí 1973.

F. h. r.

Jón Sigurðsson.

Ólafur Stefánsson.

REGLUGERÐ

um hvalveiðar.

I.

1. gr.

Rétt til þess að stunda hvalveiðar í íslenskri fiskveiðlandhelgi og til að landa hvalafla, þótt utan landhelgi sé veitt, svo og til að verka slíkan afla, hafa þeir einir, er fengið hafa til þess leyfi sjávarútvegsráðuneytisins. Áður en leyfi er veitt, skal ráðherra leita umsagnar Fiskifélags Íslands og Hafrannsóknastofnunarinnar og ef báðar þessar stofnanir telja að gengið sé of nærri hvalstofninum með nýjum veiðileyfum skal umsókn synjað.

2. gr.

Bannað er að veiða:

- a) Hvalkálfa, hvali á spena og kvenhvali, sem kálfar eða hvalir á spena fylgja.
- b) Grænlands-sléttbak, Íslands-sléttbak, hnúfubak og steypireyð.